

## Hitting a UNIFIL

بخصوص الشب يلي شبوه كف لجندي اليونيفيل...

تحياتي. وبغنيها. بعض النظر اذا حدن باعته او لأ. ويلي بيعرفني بيعرف انو سياسيًا انا ضد هالشب. انما في حق بمقاومة المحتل. الحق بالقيام ب يلي امكن.

احبائي، منعرف انو الامم المتحدة هي صنعة غربية.

منعرف انو توجهاتها، اكان من كل حرية قرارها او من خلال السيطرة عليها، بتمثل اجمالاً توجهات غربية.

ونحن ككنعانيين توجهاتنا غربية لان الغرب هو من نفس تيارنا الحضاري العالمي، وهي معاكسي للتيار العالمي الاسلامي (بما فيه العروبي).

انما اذا كانوا المسلمين عمومًا، والشيعية حاليًا خصوصًا، بيعتبروا اليونيفيل غير مرغوب فيه، فهيدا بيعني انو معتبرينه قوة احتلال، تمامًا مثل قصة الانتداب ورغم كل حسناته يلي جابها ع صعيد "اقامة دولة" بدستورها ودواير حكومية ودواير نفوس وتقسيم اداري الخ... الانتداب كان احتلال، بلعوه الكنعانيين كانتداب، والاسلام ما بلعوه رغم كتب التاريخ بالمدرسة ع كذا جيل.

وهاي الاسلام بقولوا الوصاية السورية والكنعانية بقولوا الاحتلال السوري واذا شي كنعاني بالصالونات قال وصاية بالغلط من ورا نشرات الاخبار والمقالات السياسية، صرت ملاحظ انو بتم تنبيهو من احد الموجودين...

البعض بقول ليش مش من قبل انتفضوا الشيعة عاليونيفيل، و ولو كل شي صرفوا اليونيفيل مصري بهل ٢٠ سنة...

هول الن تفسيرات (ظروف القاهرة وقبول قياداتن) بس الاساس نلحق الوضعية الاساس والانية.

اليونيفيل موجود لان في دولة اسمها لبنان الكبير جوهرها تركيبة "مسيحية - كنعانية" (والوحيدة بالعالم العربي يلي دستورها غير مسلم) اودت الى يلي صار قبل وانتهى بنشر اليونيفيل...

كيف ما برمتوها... لو ما كنا عاملين لبنان الكبير ما كان يكون في يونيفيل عالارجح.

بقي رجاء ما بقا الكنعانيين يمتعضوا من تصرف هالشب.

لو كنعاني طعماه كف لجندي من قوات الردع بايامها، او من شي قوة حفظ سلام اسلامية، ما كنتوا قتلوا شي...

بعد مش عم تزيناوا مواقفك من زاوية التعددية...